


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-16	An-Nahl	128	16	Makkiyyah	Ke-70	6



Zaman Diturunkan

Surah an-Nahl juga diturunkan di peringkat terakhir kehidupan Rasulullah s.a.w. di Mekah, kira-kira pada tahun ke-12 Kenabian sebelum Baginda berhijrah ke Madinah lagi. Di dalamnya terdapat galakan berhijrah kepada orang-orang Islam yang dizalimi, bersabar dan bertawakkal. Beberapa ayatnya diturunkan ketika berlaku kemarau yang dahsyat di Mekah iaitu pada tahun ke-7 Kenabian, sesetengah ayatnya pula diturunkan ketika para sahabat dizalimi dengan dahsyat sekali seperti ayat ke-106 yang dikatakan ia diturunkan berkaitan dengan peristiwa yang berlaku kepada 'Ammar bin Yasir. Ayat itu membenarkan orang-orang Islam mengucapkan kalimah kufur untuk menyelamatkan diri dalam keadaan hati tetap teguh dengan iman.

Beberapa Ciri Khusus Surah

1. Permulaan surah dimulakan dengan dalil-dalil tauhid khaliqiyah (tuhan sebagai pencipta) kemudian dinyatakan tujuan dan matlamat diutuskan para rasul. (Ayat: 36). Semua para rasul menyeru manusia supaya taat kepada Allah dan menyembahnya semata-mata disamping menjauhi dan mengelak diri daripada mengikuti Thaghut (pemimpin semasa yang derhaka kepada Allah) (Ayat: 36).

أَنِ اعْبُدُوا اللَّهَ وَاجْتَنِبُوا الظَّلْفُوتَ

2. Di dalam surah ini juga terdapat penolakan terhadap kepercayaan uluhiyah para malaikat (Ayat: 57).
3. Di dalam surah ini terdapat perbandingan di antara pemimpin muslim dan pemimpin musyrik. Di mana kesalahan-kesalahan dan jenayah-jenayah yang dilakukan pemimpin musyrik didedahkan.
4. Surah an-Nahl diturunkan sebelum Surah al-An'aam, ia semacam pendahuluan kepadanya. Di dalamnya juga terdapat beberapa hukum permulaan berkenaan halal dan haram sebagai persediaan untuk masyarakat Islam yang akan terbentuk di Madinah nanti. (Ayat: 115-116). Perintah supaya berlaku adil, ihsan dan menjaga janji juga diberikan di dalamnya (Ayat: 90).

Perkaitan Surah An-Nahl Dengan Surah Sebelum Dan Selepasnya

1. Di dalam Surah al-Hijr sebelum ini terdapat cerita tentang kebinasaan (golongan yang suka memperolok-lookkan utusan Allah) dan مُجْرِمِين (orang-orang yang durjana dan jahat). Di dalam Surah an-Nahl ini pula dikemukakan cerita tentang pemimpin Quraisy yang musyrik dan sompong (مُشَغَّلِين).
2. Surah an-Nahl meramalkan hijrah ke Madinah akan berlaku di samping menyatakan kelebihannya (Ayat: 41 dan 110). Di dalam Surah Bani Israil selepas ini diajarkan doa untuk berhijrah dengan cukup jelas (Ayat: 80-81).
3. Sepuluh perintah yang diberikan kepada umat Nabi Musa juga diberikan kepada umat Muhammad

yang merupakan umat terakhir supaya dapat dijadikan sebagai asas kepada sebuah masyarakat Islam dan negara Islam yang akan terbentuk di Madinah al-Munawwarah.

Antara Kata Kunci Dan Tema Utama Surah

1. Dalil-dalil tauhid khaliqiyyah.

Perhatikan kepada dalil-dalil yang diberikan sebagai bukti kepada tauhid khaliqiyyah yang terdapat di dalam Surah an-Nahl:

- (a) Allah adalah خالق (pencipta) langit dan bumi, kerana itu tidak wajar sama sekali manusia mengamalkan syirik dengan menjadikan makhluk setaraf dengan khaliq. (Ayat: 3).

خَلَقَ الْأَسْمَاءَ وَالْأَرْضَ يَا لَهُ تَعَالَى عَمَّا يُشَرِّكُونَ ﴿٣﴾

- (b) Allah telah menciptakan manusia daripada نطفة (air mani), oleh itu manusia hendaklah meninggalkan sifat suka membantahNya dengan mengenang kembali hakikat asal kejadiannya (Ayat: 4).

خَلَقَ الْإِنْسَانَ مِنْ نُطْفَةٍ فَإِذَا هُوَ خَصِيمٌ مُّبِينٌ ﴿٤﴾

- (c) Allah juga mencipta binatang-binatang ternakan yang sangat berguna untuk manusia, kerana itu Dialah yang patut disyukuri dan disembah (Ayat: 5).

وَالْأَنْعَامَ خَلَقَهَا لَكُمْ فِيهَا دُفَّةٌ وَمَنْفِعٌ وَمِنْهَا تَأْكُلُونَ ﴿٥﴾

- (d) Allah s.w.t. telah menciptakan kuda, baghal dan keldai sebagai kenderaan dan sebagai perhiasan untuk manusia, Allah akan terus mencipta banyak lagi benda-benda (kenderaan-kenderaan) lain di masa akan datang yang kamu tidak mengetahui tentangnya (Ayat: 8).

وَأَخْيَلَ وَأَبْيَالَ وَأَخْيَرَ لِتَرْكُوبُهَا وَرِزْنَةً وَيَخْلُقُ مَا لَا تَعْلَمُونَ ﴿٨﴾

- (e) Tuhan-tuhan yang disembah selain Allah oleh manusia tidak pernah menjadikan apa-apa bahkan ia sendiri adalah makhluk (Ayat: 20). Sedangkan apa yang mereka sembah selain Allah tidak ada mencipta apa pun. Sebaliknya mereka sendiri adalah makhluk (yang dicipta).

وَالَّذِينَ يَدْعُونَ مِنْ دُونِ اللَّهِ لَا يَخْلُقُونَ شَيْئًا وَهُمْ يُخْلَقُونَ ﴿٢٠﴾

- (f) Bayang-bayang setiap benda yang dijadikan Allah juga dengan hina tunduk dan bersujud kepadaNya. (Ayat: 48).

أَوَلَمْ يَرَوْا إِنَّ مَا خَلَقَ اللَّهُ مِنْ شَيْءٍ يَتَقْبِيُ أَيْقَنًا طَلْلُو وَعَنِ الْآيَيْنِ وَالشَّمَائِيلِ سُجَّدًا لِلَّهِ وَهُمْ دَاخِرُونَ ﴿٤٨﴾

- (g) Allah s.w.t. menjadikan manusia dalam suatu bentuk dan keadaan yang memestikan ia mati, ada di antara manusia yang dipanjangkan umurnya sehingga menjadi nyanyuk setelah ia mempunyai ilmu yang

cukup, dengan itu terbukti bahawa tuhan pencipta itulah yang mematikan, Dialah yang dapat menghilangkan ingatan dan kesedaran manusia, Dialah yang mempunyai kuasa mutlak (Ayat: 70).

وَاللَّهُ خَلَقَكُمْ ثُمَّ بَتَوَفَّنَكُمْ وَمِنْكُمْ مَنْ يُرْدُ إِلَى أَرْذِلِ الْعُمُرِ لَكَ لَا يَعْلَمُ بَعْدَ عِلْمِ شَيْئًا إِنَّ اللَّهَ عَلِيمٌ قَدِيرٌ ﴿٦﴾

(h) Untuk melihat manusia menjadi makhluk yang taat dan patuh padaNya, Allah menjadikan bayang-bayang bagi kejadian-kejadianNya yang lain. Dia menjadikan bukit-bukau dan gunung-ganang sebagai tempat perlindungan, selain itu Dia juga menjadikan pakaian yang dapat melindungi manusia daripada kepanasan dan melindunginya daripada ancaman senjata, oleh itu manusia hendaklah menerima Allah sebagai pencipta dan menjadi makhluk yang muslim dan patuh kepadaNya (Ayat: 81).

وَاللَّهُ جَعَلَ لَكُمْ مِمَّا خَلَقَ طَلَالًا وَجَعَلَ لَكُمْ مِنَ الْجِبَالِ أَكْثَرَنَا رَجَمَلَ لَكُمْ سَرَبِيلَ تَقِيهِمُ الْخَرَّ وَسَرَبِيلَ تَقِيهِمُ بَأْسَكُمْ كَذَلِكَ يُتْمِمُ نَعْمَلَتُهُ عَلَيْكُمْ لَعَلَّكُمْ تُشْلِمُونَ ﴿٨١﴾

(i) Kesimpulannya ialah, jika manusia berfikir dan merenung, maka dia akan berjaya mendapat jawapan kepada persoalan, Apakah yang mampu mencipta sama dengan yang tidak mampu mencipta? Maksudnya ialah adakah pencipta dan bukan pencipta atau makhluk sama dengan khaliq? Oleh itu manusia hendaklah dapat membezakan dengan sebaik-baiknya antara khaliq dan makhluq lalu memilih ajaran tauhid yang suci dengan tidak mensyirikkan Allah dengan makhluk-makhluk yang lain (Ayat: 17).

أَفَنْ يَخْلُقُ كُنْدَنْ لَا يَخْلُقُ أَفَلَا تَذَكَّرُونَ ﴿١٧﴾

2. Dalil-dalil tauhid rububiyyah, tauhid uluhiyah dan tauhid haakimiyyah

Di dalam Surah an-Nahl diberikan bermacam-macam dalil lain untuk membuktikan tauhid, ia dinamakan atau آیات ٩tanda-tanda kebesaran Allah). Manusia diminta berfikir tentangnya dan merenungnya supaya akhirnya dia menerima Allah sebagai khaliq lalu menerima tauhid khaliqiyyah, menerima Allah sebagai rabb lalu menerima tauhid rububiyyah, menerima Allah sebagai ilah, lalu menerima tauhid uluhiyah dan juga menerima Allah sebagai hakim dan pembuat undang-undang lalu menerima tauhid haakimiyyah.

(a) Untuk meneruskan kehidupan manusia di bumi, Allah telah menyiapkan segala bentuk keperluan untuknya. Dengan merenungi dalil-dalil rububiyyah manusia akan memilih aqidah tauhid, Dialah tuhan yang menurunkan hujan dari langit lalu mengeluarkan bermacam-macam bijirin dan buah-buahan. Dengan memikirkan dan merenungi kejadian Allah, manusia seharusnya menerima rububiyyah Allah dan seterusnya bersyukur kepadaNya (Ayat: 11).

يُثِّبْ لَكُم بِالْرَّزْعِ وَالرَّبْوَنَ وَالثَّخِيلَ وَالْأَغْنَبَ وَمِن كُلِّ الْقَرَبَاتِ إِنَّ فِي ذَلِكَ لَذِيَّةً لِقَوْمٍ يَتَفَكَّرُونَ ⑤

- (b) Ciptaan Allah untuk memenuhi keperluan manusia di bumi bukanlah daripada jenis yang sama tetapi beraneka jenis, selain sedap dirasa ia juga indah dipandang. Manusia sepatutnya menerima kekuasaan Allah setelah melihat dalil-dalil itu (Ayat: 13).

وَمَا ذَرَّ لَكُمْ فِي الْأَرْضِ مُخْتَلِفًا أَتَوْ نَهَرٌ إِنَّ فِي ذَلِكَ لَذِيَّةً لِقَوْمٍ يَتَفَكَّرُونَ ⑥

- (c) Allahlah juga yang menghidupkan bumi dan menyuburkannya di musim bunga dengan melepaskan hujan setelah musim gugur, manusia seharusnya menerima kemurahan Allah dan kasih sayangNya setelah melihat semua itu, ia seharusnya menerima kekuasaan Allah dan percaya juga akan adanya hari pembalasan di akhirat (Ayat: 65).

وَاللَّهُ أَنْزَلَ مِنَ السَّمَاءِ مَاءً فَأَخْيَا بِهِ الْأَرْضَ بَعْدَ مَوْتِهَا إِنَّ فِي ذَلِكَ لَذِيَّةً لِقَوْمٍ يَسْمَعُونَ ⑦

- (d) Allah telah memberi kebebasan memilih antara baik dan buruk kepada manusia, sesetengah manusia menyediakan minuman yang halal daripada buah-buah yang diciptakan Allah, sesetengah manusia pula membuat minuman yang memabukkan daripada buah-buah itu. Orang-orang yang beraqal hanya berpada dan berasa cukup dengan rezeki yang baik daripada Allah lalu bersyukur kepadaNya, sementara orang-orang yang bodoh pula cenderung kepada rezeki yang haram (Ayat: 67).

وَمِنْ نَحْرَاتِ الْثَّخِيلِ وَالْأَغْنَبِ تَتَّخِذُونَ مِنْهُ سَكَرًا وَرِزْقًا حَسَنًا إِنَّ فِي ذَلِكَ لَذِيَّةً لِقَوْمٍ يَتَفَكَّرُونَ ⑧

- (e) Allah itulah yang menjadikan lebah, Dialah yang memerintah lebah supaya menghisap madu bunga dan kemudian menjadikan madu yang begitu baik untuk kesihatan manusia. Orang-orang yang berfikir seharusnya menerima dalil-dalil yang menunjukkan hikmat, qudrat, rububiyyah dan rahmat Allah pada kejadian lebah itu (Ayat: 69).

فَمَنْ كُلَّ مِنْ كُلِّ الْقَرَبَاتِ فَأَشْلَكَ سُبْلَ رَبِّكِ ذُلْلًا يَخْرُجُ مِنْ بُطُونِهَا شَرَابٌ مُخْتَلِفٌ أَلْوَانُهُ فِيهِ شَفَاءٌ لِلنَّاسِ إِنَّ فِي ذَلِكَ لَذِيَّةً لِقَوْمٍ يَتَفَكَّرُونَ ⑨

- (f) Allah telah menjadikan bintang-bintang, bulan dan matahari. Semuanya berputar mengikut sistem yang telah ditentukan oleh Allah. Akibatnya di waktu malam bumi menjadi sejuk dan di waktu siang pula ia menjadi panas. Oleh itu manusia seharusnya memilih tauhid yang suci setelah menerima kekuasaan Allah, hikmat dan juga rububiyyahNya (Ayat: 12).

وَسَخَّرَ لَكُمُ الْأَيْلَ وَالنَّهَارَ وَالشَّمْسَ وَالْقَمَرَ وَالشَّجُومُ مُسَحَّرٌ بِأَمْرِهِ إِنَّ فِي ذَلِكَ لَذِيَّةً لِقَوْمٍ يَتَفَكَّرُونَ ⑩

- (g) Allah s.w.t. membuat sistem yang seimbang dan teguh di langit dan di bumi sehingga burung-burung dapat terbang di udara dengan senang, orang-orang yang menyaksikan kenyataan yang membabitkan

kekuasaan dan hikmat itu seharusnya menerima konsep tauhid yang suci (Ayat: 79).

ۚ أَنْ يَرَوْا إِلَى الظَّنِيرِ مُسْخَرِينَ فِي جَوَّ الْسَّمَاءِ مَا يُمْسِكُهُنَّ إِلَّا اللَّهُ إِنَّ فِي ذَلِكَ لَذِكْرًا لِّقَوْمٍ يُؤْمِنُونَ

(h) Orang-orang yang tidak merenung (آيات الله) (tanda-tanda kebesaran Allah) tidak akan mendapat hidayah bahkan mereka akan berhak mendapat azab yang pedih (Ayat: 104).

ۖ إِنَّ الَّذِينَ لَا يُؤْمِنُونَ بِعِيَاتِ اللَّهِ لَا يَفْدِيُهُمْ اللَّهُ وَلَهُمْ عَذَابٌ أَلِيمٌ

(i) Orang-orang yang tidak menggunakan aqal dan berdusta atas nama Allah tidak akan beriman kepada ayat-ayat (tanda-tanda) Allah itu (Ayat: 105).

۶۱ إِنَّمَا يَفْتَرِي الْكَذِبَ الَّذِينَ لَا يُؤْمِنُونَ بِعِيَاتِ اللَّهِ وَأُولَئِكَ هُمُ الْكَاذِبُونَ

3. Sifat-sifat pimpinan Quraisy dan kesalahan-kesalahan mereka.

Di dalam surah ini dibuat perbandingan di antara sifat-sifat pimpinan muslim yang bertaqwah dan pimpinan Quraisy yang musyrik.

(a) Di dalam ayat pertama Surah an-Nahl lagi telahpun dikata dengan jelas kepada orang-orang musyrikin bahawa zat Allah yang tidak ber'aib Maha tinggi daripada kesyirikan yang kamu lakukan, keputusan tentang tamatnya riwayat syirik dan orang-orang musyrikin Mekah telahpun ada. Nabi yang terakhir telahpun membawa kitab yang terakhir (Ayat: 1).

۱۰۱ أَنْ أَمْرَرَ اللَّهُ فَلَا تَسْتَغْجِلُوهُ سُبْحَانَهُ وَتَعَلَّمَ عَمَّا يُشَرِّكُونَ

(b) Oleh kerana Allah adalah pencipta langit dan bumi maka Dialah yang layak disembah, tidak ada makhluk Allah yang layak disembah. Maha tinggi Allah daripada segala ke'aiban yang dikaitkan oleh orang-orang musyrikin dengannya dalam kepercayaan mereka yang salah (Ayat: 3).

۱۰۲ خَلَقَ الْسَّمَاوَاتِ وَالْأَرْضَ إِلَّا لِحُكْمِيْ تَعْلَمَ عَمَّا يُشَرِّكُونَ

(c) Logik songsang orang-orang musyrikin. Orang-orang musyrikin berkata: "Tanpa keredhaan Allah tentu kami dan nenek moyang kami tidak dapat menyembah selain Allah, tanpa keredhaan Allah juga kami tidak dapat mengharamkan apa-apa" (Ayat: 35).

۱۰۳ وَقَالَ الَّذِينَ أَشْرَكُوا لَوْ شَاءَ اللَّهُ مَا عَبَدَنَا مِنْ دُونِهِ مِنْ شَيْءٍ وَلَا حَنْنَ وَلَا عَابَثُنَا وَلَا حَرَمَنَا مِنْ دُونِهِ مِنْ شَيْءٍ كَذَلِكَ فَعَلَ الَّذِينَ مِنْ قَبْلِهِمْ فَهُنَّ

۱۰۴ عَلَى الرَّئِسِ لِمَا لَمْ يَلْعَمُ الْمُبِينُ

(d) Pada hari kiamat nanti setelah melihat tuhan-tuhan yang disembah mereka, orang-orang musyrikin akan berkata kepada Allah: "Inilah orang-orangnya yang kami seru dan kami berdoa kepadanya selain

Allah" tetapi apa yang dikatakan mereka itu dilemparkan kepada mereka dengan dikatakan kamu dusta, orang-orang yang kamu sembah itu tidak pernah menyuruh kamu menyembahnya (Ayat: 86).

وَإِذَا رَأَاهُمْ أَشْرَكُوا شَرْكًا هُمْ قَالُوا رَبُّنَا هَؤُلَاءِ شَرْكَانَا الَّذِينَ كُنَّا نَدْعُوا مِنْ دُونِكُمْ فَأَلْقَوْا إِلَيْهِمُ الْقُولَ إِنَّكُمْ لَكَذِيبُونَ ﴿٨٦﴾

(e) Allah s.w.t. adalah tuhan yang menghilangkan segala kemudharatan dan bahaya Dialah yang menghilangkan segala kesulitan daripada hamba-hambaNya, orang-orang musyrikin Mekah sendiri apabila ditimpa bencana menyeru Allah, tetapi setelah bencana hilang mereka memilih jalan tidak bersyukur dengan mensyirikkan Allah (Ayat: 54).

ثُمَّ إِذَا كَشَفَ الْحُرَّةَ عَنْكُمْ إِذَا فَرِيقٌ مِنْكُمْ يَرْبِطُهُمْ بِرَبِّهِمْ يَسْرِكُونَ ﴿٥٤﴾

(f) Syaitan dan Iblis hanya dapat mempengaruhi orang-orang yang menjadikannya sebagai teman dan orang-orang yang melakukan kesyirikan (Ayat: 100).

إِنَّمَا سُلْطَنُهُ عَلَى الَّذِينَ يَتَوَلَّهُ وَالَّذِينَ هُمْ بِهِ مُشْرِكُونَ ﴿١٠٠﴾

(g) Orang-orang musyrikin Mekah diingatkan bahawa Nabi Ibrahim moyang mereka sendiri adalah seorang yang sempurna, beliau adalah seorang yang taat kepada Allah semata-mata, beliau bukan termasuk dalam orang-orang musyrikin (Ayat: 120).

إِنَّ إِبْرَاهِيمَ كَانَ أُمَّةً قَائِمًا لِلَّهِ حَنِيفًا وَلَمْ يَكُنْ مِنَ الْمُشْرِكِينَ ﴿١٢٠﴾

(h) Diwahyukan kepada Rasulullah s.a.w. supaya betul-betul mengikut Nabi Ibrahim a.s. yang bukan merupakan seorang musyrik (Ayat: 123).

ثُمَّ أَوْحَيْنَا إِلَيْكَ أَنْ أَتَيْنَاهُ مَلَّةً إِبْرَاهِيمَ حَنِيفًا وَمَا كَانَ مِنَ الْمُشْرِكِينَ ﴿١٢٣﴾

4. Kesempurnaan tauhid tidak mungkin dicapai tanpa menolak Thaghut.

Sekalian rasul yang diutuskan membawa perjuangan yang sama, mereka menyuruh manusia beribadat dan taat kepada Allah semata-mata, mereka melarang daripada mentaati dan mengikuti Thaghut (Ayat: 36)

وَلَقَدْ بَعَثْنَا فِي كُلِّ أُمَّةٍ رَسُولاً أَنْ أَعْبُدُوا اللَّهَ وَاجْتَنَبُوا الظَّغْرُورَ

5. Menolak syirik kepada غَيْرِ اللهِ dan مِنْ دُونِ اللهِ. Di dalam surah ini juga dibuat perbandingan di antara Allah dan غَيْرِ اللهِ atau مِنْ دُونِ اللهِ

(a) itu adalah makhluk, ia tidak dapat mencipta apa-apa, kerana itu haram berdoa kepadanya, sebaliknya Allah adalah خالق (pencipta), kepadaNyalah sepatutnya manusia berdoa (Ayat: 20).

وَالَّذِينَ يَدْعُونَ مِنْ دُونِ اللَّهِ لَا يَخْلُقُونَ شَيْئًا وَهُمْ يُخَلِّقُونَ ﴿٦﴾

(b) tidak berkuasa memberi sekecil-kecil rezeki pun, yang mempunyai kuasa memberi rezeki hanyalah Allah (Ayat: 73).

وَيَعْبُدُونَ مِنْ دُونِ اللَّهِ مَا لَا يَمْلِكُ لَهُمْ رِزْقًا مِنَ السَّمَاوَاتِ وَالْأَرْضِ شَيْئًا وَلَا يَسْتَطِيعُونَ ﴿٧﴾

(c) Manusia tidak boleh takut dan bertaqwah kepada ^{غَيْرِ اللَّهِ}, manusia hendaklah hanya takut dan bertaqwah kepada Allah tuhan yang memiliki langit dan bumi, tuhan yang wajib dan mesti kita taati dan patuhi segala perintahNya selama-lamanya (Ayat: 52).

وَلَهُ مَا فِي السَّمَاوَاتِ وَالْأَرْضِ وَلَهُ الَّذِينَ وَاصِبَّ أَفْغَيَرَ اللَّهَ تَشَفُّونَ ﴿٨﴾

(d) Binatang yang disembelih atas nama ^{غَيْرِ اللَّهِ} haram dimakan, binatang hanyalah disembelih atas nama Allah (Ayat: 115).

إِنَّمَا حَرَمَ عَلَيْنَاهُمُ الْمِيَةَ وَاللَّيْلَ وَالنَّهَارَ وَمَا أَهْلَ لِغَيْرِ اللَّهِ بِهِ

6. Menolak kepercayaan yang tidak menerima hari akhirat dan dalil-dalil membuktikan adanya hari akhirat.

Memandangkan pimpinan Quraisy tidak percaya kepada hari akhirat, di dalam surah ini diberikan bukti-bukti tentang adanya hari akhirat. Orang-orang musyrikin Mekah dengan bersumpah selalu berkata: “Allah ta’ala tidak akan menghidupkan kembali manusia yang telah mati”. Kata-kata mereka ini membayangkan kepercayaan mereka yang tidak menerima adanya hari akhirat (Ayat: 38).

وَأَقْسَمُوا بِاللَّهِ جَهَدَ أَيْمَانِهِمْ لَا يَبْعَثُ أَنَّهُ مِنْ يَمُوتُ بَيْنَ وَعْدِنَا عَلَيْهِ حَقًّا وَلَكِنَّ أَكْثَرَ النَّاسِ لَا يَعْلَمُونَ ﴿٩﴾

(a) yang mereka berdoa kepadanya adalah orang-orang mati, bukan hidup. Mereka pun tidak tahu sampai bila mereka akan berada di alam barzakh, bila akan berlaku kiamat dan bila pula mereka akan dibangkitkan daripada kubur (Ayat: 21).

أَمَوَاتٌ غَيْرُ أَحْيَا وَمَا يَشْعُرُونَ أَيَّانَ يُبَعْثُونَ ﴿١٠﴾

(b) Pada hari kiamat nanti akan dibangkitkan seorang saksi dari kalangan setiap umat, pada ketika itu orang-orang kafir tidak dibenarkan memberi alasan. Mereka juga tidak akan dibenarkan mendapat keredhaan Allah (Ayat: 84).

وَيَوْمَ نَبْعَثُ مِنْ كُلِّ أُمَّةٍ شَهِيدًا لَا يُؤْذَنُ لِلَّذِينَ كَفَرُوا وَلَا هُمْ يُسْتَعْتَبُونَ ﴿١١﴾

(c) Di hari kiamat nanti seorang saksi akan dibangkitkan. Untuk orang-orang musyrikin Mekah pula

Rasulullah akan dibangkitkan sebagai saksi yang menentang mereka. Merekalah yang dahulunya tidak percaya kepada Rasulullah dan menolak seruan al-Qur'an yang merupakan rahmat semata-mata (Ayat: 89).

وَيَوْمَ نَبْعَثُ فِي كُلِّ أُمَّةٍ شَهِيدًا عَلَيْنِهِمْ مِنْ أَنفُسِهِمْ وَجِئْنَا بِكَ شَهِيدًا عَلَى هَؤُلَاءِ وَنَزَّلْنَا عَلَيْكَ الْكِتَابَ تِبْيَانًا لِكُلِّ شَيْءٍ وَهُدًى وَرَحْمَةً وَشَرِّي

للُّمَسْلِمِينَ ﴿٨٩﴾

(d) Hati orang-orang yang tidak percaya kepada hari akhirat tidak menerima seruan tauhid, mereka sebenarnya adalah orang-orang yang sombang dan angkuh (Ayat: 22).

إِنَّهُمْ إِلَهٌ وَحْدَهُ فَالَّذِينَ لَا يُؤْمِنُونَ بِالْآخِرَةِ قُلُوبُهُمْ مُنْكَرٌةٌ وَهُمْ مُسْتَكِبُرُونَ ﴿٢٢﴾

(e) Orang-orang yang bertaqwa pula percaya kepada hari akhirat, bagi mereka akhirat adalah syurga dan negeri orang-orang yang bertaqwa (Ayat: 30).

وَقَيْلٌ لِلَّذِينَ آتَقْوَاهُمْ مَا أَنْزَلَ رَبُّكُمْ قَالُوا حَيْرًا لِلَّذِينَ أَخْسَنُوا فِي هَذِهِ الدُّنْيَا حَسَنَةً وَلَدَارُ الْآخِرَةِ خَيْرٌ وَلِيَقْعَدُ دَارُ الْمُتَّقِينَ ﴿٣٠﴾

(f) Kepada orang-orang Islam yang berhijrah kerana dizalimi akan diberikan ganjaran yang baik dan tempat tinggal yang terbaik di akhirat nanti (Ayat: 41).

وَالَّذِينَ هَاجَرُوا فِي اللَّهِ مِنْ بَعْدِ مَا ظَلَمُوا لَتَبَوَّهُمْ فِي الدُّنْيَا حَسَنَةٌ وَلَا جُزْءٌ أَكْبَرٌ

(g) Perumpamaan buruk hanya layak diberikan kepada orang-orang yang tidak percaya kepada hari akhirat. Allah pula mempunyai sifat yang terbaik (Ayat: 60).

لِلَّذِينَ لَا يُؤْمِنُونَ بِالْآخِرَةِ مِثْلُ السَّوْءِ وَلِلَّهِ الْمَقْدِرُ الْأَعْلَى وَهُوَ الْعَزِيزُ الْحَكِيمُ ﴿٦٠﴾

(h) Orang-orang yang kafir akan mendapat azab yang besar dan kemurkaan Allah, kerana mereka mengutamakan kehidupan dunia daripada kehidupan akhirat (Ayat: 107).

ذَلِكَ بِأَنَّهُمْ أَسْتَحْبُوُا أَحْيَا الدُّنْيَا عَلَى الْآخِرَةِ وَأَنَّ اللَّهَ لَا يَهِيءُ لِلنَّاسِ إِلَّا مَا كَانُوا فِيهِ يَرْجُونَ ﴿١٠٧﴾

(i) Orang-orang yang tidak percaya kepada hari akhirat itulah yang pasti akan menyesal dan menanggung kerugian di akhirat nanti (Ayat: 109).

لَا جَرَمَ أَنَّهُمْ فِي الْآخِرَةِ هُمُ الظَّالِمُونَ ﴿١٠٩﴾

(j) Diberitahu kepada orang-orang musyrikin Mekah bahawa moyang mereka Nabi Ibrahim kerana beraqidah tauhid telah mendapat kebaikan dunia, dan di akhirat pula Baginda termasuk dalam kumpulan orang-orang yang shaleh (Ayat: 122).

وَمَا أَتَيْنَاهُ فِي الدُّنْيَا حَسَنَةٌ وَإِنَّهُ فِي الْآخِرَةِ لَيْكَ أَصْلَاحِينَ ﴿٢٦﴾

7. Kesombongan pemimpin-pemimpin kafir Quraisy.

Surah ini juga mendedahkan tentang kesombongan pemimpin-pemimpin kafir Quraisy.

- (a) Pemimpin kafir Quraisy adalah مُستَكْبِر (sombong dan angkuh), itulah sebabnya mereka menolak seruan tauhid dan tidak percaya kepada hari kemudian (Ayat: 22).

إِنَّهُمْ إِلَهٌ وَاحِدٌ فَالَّذِينَ لَا يُؤْمِنُونَ بِالْآخِرَةِ قُلُوبُهُمْ مُنْكَرٌ وَهُمْ مُسْتَكْبِرُونَ ﴿٢٦﴾

- (b) Dikatakan kepada pemimpin-pemimpin Quraisy bahawa Allah mengetahui isi hati mereka dan Allah sekali-kali tidak suka kepada orang-orang yang sompong (Ayat: 23).

لَا جَرَمَ أَنَّ اللَّهَ يَعْلَمُ مَا يُسْرُونَ وَمَا يُعْلَمُونَ إِنَّهُ لَا يُحِبُّ الْمُسْتَكْبِرِينَ ﴿٢٧﴾

- (c) Pemimpin-pemimpin Quraisy diingatkan bahawa sifat takabbur dan sompong mereka pasti akan mengakibatkan mereka kekal menderita azab neraka (Ayat: 29).

فَادْخُلُوا أَبْوَابَ جَهَنَّمَ فِيهَا فَلِبِقَشَ مَقْوَى الْشَّكَرِينَ ﴿٢٩﴾

- (d) Pemimpin-pemimpin Quraisy difahamkan bahawa Allah tidak memerlukan ibadat dan sujud manusia kepadaNya, segala sesuatu di langit dan bumi sememangnya taat dan patuh kepadaNya, para malaikat juga sentiasa menjunjung perintahNya, mereka tidak pernah menunjukkan sikap sompong dan takabbur (Ayat: 49).

وَلَلَّهِ يَسْجُدُ مَا فِي السَّمَاوَاتِ وَمَا فِي الْأَرْضِ مِنْ دَآبَةٍ وَالْمَلِئَكَةُ وَهُنْ لَا يَسْتَكْبِرُونَ ﴿٤٩﴾

- (e) Orang-orang Quraisy dinasihati supaya mendapat pengajaran daripada peristiwa masa lalu, bagaimana umat-umat yang lalu telah menerima balasan kepada amalan-amalan mereka yang buruk. Mereka juga dahulu selalu memperolok-olokkan ayat-ayat Allah (Ayat: 34).

فَأَصَابَهُمْ سَيِّئَاتٌ مَا عَمِلُوا وَحَاقَ بِهِمْ مَا كَانُوا بِهِ يَسْتَفِرُونَ ﴿٣٤﴾

8. Sifat-sifat taqwa yang ada pada Rasulullah s.a.w. dan sahabat-sahabatnya.

Di dalam surah ini orang-orang Islam disebutkan dengan panggilan مُتَقِّين dan ganjaran serta balasan baik untuk mereka disebutkan secara terperinci.

- (a) Kepada orang-orang yang bertaqwa dan baik akan dikurniakan kebaikan-kebaikan di dunia dan mereka juga akan dikurniakan syurga. Syurga, sebagaimana dipanggil دَارُ الْمُتَقِّين juga dipanggil دَارُ الْآخِرَة (Ayat: 30).

وَقَبْلَ الَّذِينَ آتَيْنَا مَاذَا أَنْزَلَ رَبُّكُمْ قَالُوا خَيْرٌ لِلَّذِينَ أَخْسَنُوا فِي هَذِهِ الْأَرْضِ وَلَدَارُ الْآخِرَةِ خَيْرٌ وَلِيَعْمَلَ دَارُ الْمُتَّقِينَ ﴿٢﴾

(b) Orang-orang yang bertaqwa kepada Allah akan mendapat taman-taman di dalam syurga (Ayat: 31).

جَئَنَتْ عَذَنِ يَنْخُلُونَهَا تَجْرِي مِنْ تَحْتِهَا الْأَنْهَرُ لَهُمْ فِيهَا مَا يَتَّقَوْنَ كَذَلِكَ يَهْزِي اللَّهُ الْمُتَّقِينَ ﴿٣﴾

(c) Kesempurnaan tauhid akan mendorong seseorang bertaqwa kepada Allah, para rasul diperintahkan supaya mengancam, memberi amaran dan juga mengingatkan manusia agar menerima aqidah tauhid (Ayat: 2).

يُنَزِّلُ الْمَلِكِيَّةَ بِالرُّوحِ مِنْ أَمْرِهِ عَلَىٰ مَنْ يَشَاءُ مِنْ عِبَادِهِ أَنْ أَنذِرُوا أَنَّهُ لَا إِلَهَ إِلَّا أَنَا فَاتَّقُونَ ﴿٤﴾

(d) Orang-orang musyrikin ditanya: “Adakah mereka akan memilih taqwa kepada Allah atau taqwa kepada غَيْرِ اللهِ dalam keadaan Allah jua yang telah menjadikan dan memiliki langit-langit dan bumi dan Dia jua yang layak dan wajib ditaati? (Ayat: 52).

وَلَهُ مَا فِي السَّمَوَاتِ وَالْأَرْضِ وَلَهُ الَّذِينَ وَاصَّبَا أَفَغَيْرُ اللَّهِ تَعَقُّونَ ﴿٥﴾

(e) Di akhir ayat surah ini umat Islam dihiburkan dan diberi berita gembira bahawa mereka jangan merasakan bersendirian, sebaliknya Allah ada bersama mereka. Ini kerana Allah bersama orang-orang yang bertaqwa dan orang yang melakukan amalannya dengan baik (Ayat: ١٢٨).

إِنَّ اللَّهَ مَعَ الَّذِينَ آتَيْنَا وَالَّذِينَ هُمْ مُّتَّسِفُونَ ﴿٦﴾

9. Berita gembira akan berhijrah ke Madinah dan kelebihan hijrah.

(a) Orang-orang Islam yang dizalimi di Mekah diberikan berita gembira bahawa Allah akan memberikan tempat tinggal yang terbaik untuk mereka di dunia ini iaitu di Madinah al-Munawwarah, walau bagaimanapun mereka tetap diingatkan bahawa pahala di akhirat itulah yang lebih besar dan lebih utama (Ayat: 41).

وَالَّذِينَ هَاجَرُوا فِي اللَّهِ مِنْ بَعْدِ مَا ظُلِمُوا لَتَبَوَّتْهُمْ فِي الْأَرْضِ وَلَا جُرُّ الْآخِرَةِ أَكْبَرُ لَنْ كَانُوا يَعْلَمُونَ ﴿٧﴾

(b) Orang-orang Islam yang dizalimi dan diuji keimanannya di Mekah diberikan berita gembira bahawa setelah berhijrah ke Madinah mereka akan berjihad dengan penuh sabar dan istiqamah, kerananya Allah akan memberikan kepada mereka rahmat dan maghfirahNya (Ayat: 110).

ثُمَّ إِنَّ رَبَّكَ لِلَّذِينَ هَاجَرُوا مِنْ بَعْدِ مَا فَيْنُوا ثُمَّ جَهَدُوا وَصَبَرُوا إِنَّ رَبَّكَ مِنْ بَعْدِهَا لَغَفُورٌ رَّحِيمٌ ﴿٨﴾

10. Musyrikin Mekah diminta supaya mensyukuri ni'mat Allah seperti Nabi Ibrahim.

(a) Di dalam surah ini, orang-orang musyrikin Mekah diminta supaya mengikuti jejak langkah moyang

mereka Nabi Ibrahim yang memperjuangkan tauhid, mereka dituntut supaya meninggalkan kesyirikan dan memilih tauhid, mereka juga dituntut supaya tidak memakan rezeki yang haram sebaliknya memakan benda-benda yang halal. Sikap tidak bersyukur kepada ni'mat Allah juga hendaklah ditukar dengan sikap bersyukur kepadaNya (Ayat: 114).

فَلُكُوا مِمَّا رَزَقْنَاكُمُ اللَّهُ حَلَالًا طَبِيعًا وَأَشْكُرُوا نِعْمَتَ اللَّهِ إِنْ كُنْتُمْ إِيمَانًا تَعْبُدُونَ ﴿١١٤﴾

(b) Orang-orang kafir Quraisy telah diancam melalui satu tamsilan yang sangat cantik bahawa sifat tidak bersyukur dan tidak mengenang budi mereka boleh menyebabkan Allah merasakan kelaparan dan ketakutan kepada mereka (Ayat: 112).

وَضَرَبَ اللَّهُ مَثَلًا قَرْيَةً كَانَتْ عَامِنَةً مُظَهِّنَةً يَأْتِيهَا رَزْقُهَا رَغْدًا مِنْ كُلِّ مَكَانٍ فَكَفَرُتْ بِإِنْسُنَمُ اللَّهِ فَأَذَقَهَا اللَّهُ لِبَاسَ الْجُنُوبِ وَأَخْرَقَهُ بِمَا كَانُوا

يَصْنَعُونَ ﴿١١٢﴾

(c) Orang-orang musyrikin diingatkan bahawa moyang mereka Nabi Ibrahim dahulu adalah seorang yang sangat bersyukur, dia tidak menerima kesyirikan sebaliknya memilih tauhid yang suci, kerana itulah Allah telah memilihnya untuk menjadi imam (pemimpin) dan kerana itulah juga Allah telah meletakkannya di atas landasan صراط مستقيم, mereka juga sepatutnya tidak memilih jalan kufur sebaliknya memilih jalan tauhid (Ayat: 121).

شَاكِرًا لِأَنْعَمِهِ أَجْتَبَهُ وَهَدَنَاهُ إِلَى صِرَاطٍ مُسْتَقِيمٍ ﴿١٢١﴾

11. Tuntutan menunaikan hak-hak Allah dan janji Allah.

(a) Manusia diperintahkan supaya menunaikan janji yang telah dibuat mereka dengan Allah (Ayat: 91).

وَأَوْفُوا بِعِهْدِ اللَّهِ إِذَا عَاهَدْتُمْ وَلَا تَنْقُضُوا الْأَيْمَنَ بَعْدَ تَوْكِيدِهَا وَقَدْ جَعَلْتُمُ اللَّهَ عَلَيْكُمْ كَفِيلًا إِنَّ اللَّهَ يَعْلَمُ مَا تَفْعَلُونَ ﴿٩١﴾

(b) Mereka juga dituntut supaya tidak membelakangkan janji dengan Allah semata-mata untuk mendapat kepentingan dunia yang murah (Ayat: 95).

وَلَا تَشْرُكُوا بِعِهْدِ اللَّهِ شَمَنًا قَلِيلًا إِنَّمَا عِنْدَ اللَّهِ هُوَ خَيْرُ لَكُمْ إِنْ كُنْتُمْ تَعْلَمُونَ ﴿٩٥﴾